

Oleh Mohammad
Khairil Ashraf Mohd
Khalid
khairil.ashraf@hmetro.com.my

Kuala Lumpur

Majlis Perwakilan Pelajar Universiti Putra Malaysia (MPP UPM) melahirkan rasa kesal dengan penyebaran maklumat bersifat tuduhan dan fitnah selepas tularnya sebuah video mendakwa masjid di universiti itu dijadikan lokasi karnival 'Mobile Legends' selain adanya dua jenazah yang sedia untuk disolatkan semasa aktiviti itu berlangsung.

Yang Dipertuanya, Umar Akhtar Ab Malek berkata, dakwaan serta rakaman video yang tersebar itu tidak benar selain mengelirukan, sekali gus mencetuskan salah faham terhadap pengurusan masjid UPM serta Pusat Islam.

Katanya, ia bukan sahaja menjejaskan reputasi masjid malah memberi imej negatif kepada universiti secara keseluruhan.

Menurutnya, pihaknya mengambil maklum berlaku salah faham baru-baru ini membabitkan pelaksanaan sebuah program penuntut yang dijalankan dengan kerjasama Pusat Islam UPM, yang pada asalnya dijadualkan bertempat di bilik Smart Classroom, Masjid UPM.

"Berdasarkan maklumat rasmi, penganjur sudah diberi arahan awal bahawa penggunaan ruang solat adalah tidak dibenarkan dan hanya bilik Smart Classroom boleh digunakan.

"Namun, disebabkan kekurangan ruang semasa aktiviti berlangsung, lokasi dipindahkan ke kawasan luar bilik itu. Penting untuk saya nyatakan bahawa tiada sebarang jenazah berada di kawasan berkenaan sewaktu aktiviti berlangsung.

"Jenazah yang dimaksudkan hanya tiba selepas



GAMBAR tular peserta ketika bermain Mobile Legends.

MPP UPM KESAL VIDEO MENGELIRUKAN

'Tiada jenazah ketika aktiviti'

aktiviti dihentikan serta-merta bagi menghor-mati situasi itu," katanya pada kenyataan, kelmarin.

Beliau mengulas video tular yang mendakwa Masjid UPM dijadikan lokasi karnival Mobile Legends.

Kenyataan di video tular itu turut mendakwa, terdapat dua jenazah yang sedia untuk di-

solatkan di dalam masjid semasa penuntut sedang bermain permainan terba-bit.

Umar pada masa sama tidak menafikan bahawa penganjur tetap bertanggungjawab disebabkan pelanggaran garis panduan penggunaan ruang yang sudah ditetapkan.

Beliau juga menyeru semua penganjur program di

kampus, khususnya membabitkan lokasi sensitif seperti masjid, supaya sentiasa mematuhi prosedur serta garis panduan ditetapkan.

"Saya juga ingin mengingatkan seluruh warga UPM serta masyarakat supaya lebih berhati-hati dalam menyebarkan sebarang kandungan ke media sosial.

"Pastikan setiap perkongsian adalah berdasarkan fakta sah dan bukan bersifat tuduhan atau spekulasi," katanya.

"Jenazah dimaksudkan hanya tiba selepas aktiviti dihentikan Umar Akhtar"